

مکتب نمینلری: عدد ۶

## غیر الخلف

پیهس ۱ پرده

[ ارکک مکتبلی ایچوندر . ]

محمود بساری



استانبول — دولت مطبعه سی

۱۹۲۸



مکتب نمیشلری: عدد ۶

# غیر الخلف

پیهس ۱ پرده

[ ارکک مکتبلی ایچوندر ]

محمود بساری




استانبول — دولت مطبعه سی

۱۹۲۸



(خیر الخلف) قوم دېسنگ ده توری



ق . قاپو	قو . قولتوق
م . ماسه	ج . جیغارا اسکله سی
ص . صندالیه	

# غیر الخلف !

نومری ۱ برده

اشخاص

حکمت بهلول ۵۰ یاشنده صبری شاگر ۲۲ یاشنده

لطیف احسان ۲۵ » قدری نعمت ۶۰ »

بر اوشاق

[ ده قور : صیفیه ده بر کوشک کنیش ، شینی بر سالونی . -

نهایتده برقیو . - صاغده وصولده بر رقیو . - وقت : صباح . موسم : یاز ]

## نجی صحفہ

### حکمت - اوشاق - (صرکرا) قدری

ا پرده آجیلدینی زمان حکمت بهلول، یالکیزدر، ماصه نك یاننده کی  
قناپیه اوطورمش، غزته اوقومقددر [

اوشاق — [نهایتدن کیره رک] بک افندی، بک افندی ...

حکمت — [دونه رک] نهوار ؟

اوشاق — دوقتور قدری نعمت بک افندی، کلدیلر .

حکمت — بک اعلا ... نیچون بورایه آلمایورسک ؟

اوشاق — کیم کلیرسه، بکا خبر ویر، دییه تنییه ایتدیگزده ...

حکمت — کون بکدجه آیلنلاشیورسک ... بوکون، ایکی کنج

آکلنلجک ... بکا خبر ویرمکی اونومه، دیدم ... کله بک اولانلریکنلرم

آکلادکمی ؟ ایکیسیده آنجق اوتوزنده ... قدری نعمت بک، اوچ

اوتوزنده ...

قدری — [نهایتدن کیره رک] دوست آراسه کباشنک اوجنده،

دیرلر ... بنی فضله اختیارلایرسه ک، کزدک کنجلیشیورمیسک !

حکمت — [ایلریلیرک] بوئور دوقتور ! [اوشاقه] دیدکاری

اونومه ... [اوشاق چیقار]

قدری — [آل صیقه رق] بوسباحکی التفات نهدن نشأت ایتدی ؟

[اوطورور]

حکمت — سزده بنی تعذیب ایتک ایچون فرصتی قاچیرمازسک .

قدری — دوام ایت، دوام ایت ... قباحتی ینه بکا یوکلر ...

حکمت — بر سورچن آتک باشی کسيلمز ... بالخاصه بوکون

چوق جدی قونوشاجفز .



قدری — [علاقه دار] صحیح... تلغراف کردن ده برشی آ کلامادم.  
 بوقدر بجهله دعوتكك هر حاله برسبی وارد ؟  
 حكمت — [قارشیسند دوره رق] بوكون همشیره زاده لریمی ده  
 دعوت ایدم.

قدری — بنی ده قونسولتاسیونه می چاغیردك ؟  
 حكمت — خایر ! بیلورسك كه بن ، بکرمی سنه در آوروپاده  
 ایدم . بوچوققلرك برینی بش ، برینی ده ایکی یاشینده براقشده ...  
 بوکرمی سنه ایچنده طبیی بویدیلر ، قوس قوجه ارکك اولدیلر ...  
 قدری — طبیی !

حكمت — آوروپاده ایکن اونلره یازدم ؛ هانکیكز دوقتور  
 اولورسه كز ، بوتون ثروتمی اوکا براقچم ، دیدم .

قدری — نه جواب ویردیلر ؟  
 حكمت — ایکیسی ده طب فا کولته سنه کیردیلر .

قدری — ایکی قاردهش دكلی ؟

حكمت — خایر ، اونی ده آ کلامادم... بو یوك همشیره ایله لاب ،  
 كوچوك همشیره ایله ده لام ، قاردهشز . كوچوك همشیره استانبولده ،  
 بیوك همشیره ده آطه بازارنده در . بو ایکی چوجوق ، یعنی اطفی احسانله  
 صبری شاكر بربرلرینی طانمازلر بيله ...

قدری — تحف شی !!

حكمت — هرچه تحف دكل . بویه فزابلر ، دنیانك هر طرفنده  
 موجوددر . وقتيله مكاتب حقوقده بیروده می و صایا و فرائض  
 اوقوتورلردی !!

قدری — [قالقارق] پکی اما ، بنی قیزیل طوپراقدن مالتهیه  
 بو عائله حکایه لرینی دیکاتمک ایچونمی چاغیردك؟ .. تلغرافده مهم بر مسئله ،  
 قیدینی علاوه ایتمهش اولسه يدك ، خسته دییه صراق ایده جکدم ...  
 ترن بکله مدم ، براطومویله آتلاوب کلدیم ... بك افندی ، وصایا  
 وفرائض درسی ویرمکه باشلادی ...

حکمت — [ اوموزينه ووره رق ] برپارچه ده‌ا عاٹله‌مدن بحث  
اتمه‌هه مساعده ايدرميسك ؟

قدری — [ تکرار اوطوره‌رق ] آ کلاشیلدی ... نهایتنه قدر  
دیکلتمه‌دن یاقامی براقایاجکسك ...

حکمت — بیلدورسك که بزم عاٹله جوق! اسکی طیب عاٹله‌سیدر.  
قدری — خجامتجی زاده‌لری بيلمزی بم ؟

حکمت — ایستبورم که یکنلرم حقیقی خجامتجی زاده‌لر اولدقلرین  
اثبات ایتسینلر. عاٹله‌نك نامنی، شانی اعلا ایتسینلر . بوایکی چوجوقدن  
هانکیسی خیرالحلف اولورسه ، ثروتم اونك اولاجقدر .

قدری — [ تکرار فالقه‌رق ] هپسی کوزهل ... اعلا ...  
علی‌الاعلا ... بالکزی بی نه‌دیسه چاغیردیگی حالا آ کلاپامادم .

حکمت — ذکاوتکدن شبهه ایتسکه باشلابورم .  
قدری — ذکاوتله کهانت آراسنده جوق فرق واردر .

حکمت — خایر، عزیزم، عقل‌ایچون طریق بردر. بوجوجوقلرك  
فاکولته‌یه کیردکلرینی سوبلشدم ، بوکونده بورابه کله‌جکلرینی علاوه  
ایتدم ، آرتق سنی نه‌ایچون چاغیرمش اولابیلیرم؟ دوشونه‌رك، بول!  
قدری — [ ألیله آلننه ووه‌رق ] دیسه‌که امتحان وار ؟

حکمت — شکرلر اولسون ، آ کلاپاییلدك .  
قدری — [ دوشونه‌رك ] ناصل امتحان ایده‌جکسك؟ چوجوقلرك  
عزت نفس‌لرینه دوقونماق‌ده ایجاب ایدر .

حکمت — دوشوندیکم اصول غایت بسیط ... اونلر کلدکلری  
زمان ، سن دوقتورلقدن موقتاً استعفا ایده‌جکسك !

قدری — [ متجیر ] صوگرا ؟  
حکمت — سنی اونلره ، باغ قومشوسی لیب افندی دیسه تقدیم  
ایده‌جکم ...

قدری — نه‌مناسبت !  
حکمت — لیب افندی ، دیمیه‌دهه ، سابق مدرس دوقتور



قدری نعمت ، دبیہم اولہ می ؟ .. مشہور قدری نعمتی قوندادہ کی  
چو جوقلر بیلہ طانیر ...

قدری — فقط بویایدیغک، عادتاً حیلہ کارلق! .. بن اشتراک ایدہم.  
حکمت — نہ عرب دوشونجه لړک وار! .. شکلاً بلکہ حیلہ کارلق  
یالکزاورتہدہ برحق مسئلہ سی وار. ذاتاً سن، برشی یاباجق دکلکک کہ ...  
قدری — ناصل ؟

حکمت — سنک ایچون، باغ قومشوسی لیب افندی دبیہ حکم؛  
سن دہ تصدیق ایدہ جکسک ، او قدر .

قدری — اک بویوک رولی سنی آلاچسک ؟  
حکمت — شہہ سز ... [برشومندوفر دودوکی دیولور] ترہ  
کلدی ، اونردہ ، ترہ دہ یسہ کلر لر ... سکا ایکی کلہ ایلہ خلاصہ  
ایدہم ... [جیندن برمندیل چیقارہرق بوغازینہ باغلار] اولابوغازیم  
باغلا یاجم ...

قدری — [کولہرک] خستہ می اولدک ؟  
حکمت — [برخستہ کی ایکلہرک ، یاواش یاواش] اوت ...  
بادمجکلرمدن جوق راحق سزم ... آلد برمغہدہ قوزقویورم ...  
قدری — [کولمکدہ دواملہ] فنا دکل ، اککنجہلی ...  
حکمت — [خستہ تقلیدی یابارق] یاواش یاواش ، قولاقلم  
صاگیر اولاجق ... نہ یاباعلی ؟ عملیات سز قورنولانک برچارہ سی یوقی ؟  
قدری — [وضعیتی اونوتہرق] جام ، قورقاجق برعملیات  
دکل ، یارم ساعتک ایچندہ آلیویر یرم .  
حکمت [ صیچرایہرق ] صوص ! .. سن دوقتور دکلکک ،  
اونوتدکی ؟

قدری — صاحی ! .. یالکز سن دہ خستہ سک ، اونوتہ ...  
حکمت — [طبیعی] مسئلہ یی آکلادک یا ، بقالم نہ نتیجہ یہ  
واراجفز .

قدری — بن ، ہیج لاقیردی یہ قاریشماہیم می ؟

حکمت — طاش کې دورمقده اوللار . . . يالکيز اونلرک  
سوزلريني جان قولاغيله ديکله !!

---

### ايکنجی صحنه

#### قدری - حکمت - اوشاق

اوشاق — [ نهايتدن کيرر و قيوبي قاپليارق ] بک افندی، کنج  
بو بک کلدی .

حکمت — [ قاتقارق ] پک اعلا . . . هان بورايه آل . . .  
[ قدری به ] بز ايچري کيده لم . [ اوشاق چيقارکن ] دور، بر تنهيم  
دها وار . . . [ قدری بی کوسستره رک ] بوراده دوقتور قدری نعمت  
بک يوق . . .

اوشاق — [ آ کلامايارق ] دوقتور بک کيديورلرمی ؟  
حکمت — دها بيمتردم . . . دوقتور قدری نعمت بک يوق، فقط  
باغ قومشوسی لیب افندی، وار !

اوشاق — هانکی لیب افندی ؟ [ اطرافته باقینير ]  
قدری — اطرافکهنه باقيورسک؟ ايسته لیب افندی، قارشیکده !  
اوشاق — یا ؟

حکمت — آغزیکي آچه کوزیکي آج . . . آ کلادک يا ! . . .  
[ قدری ايله برلکده چيقارلر ]

---

### اوچنجی صحنه

#### اوشاق - صبری

اوشاق — [ يالکيز ] باغ قومشوسی لیب افندی . . . حالا



آ کلادام ... [ دوز قیوی آچار و دیشاری به سسله نیر ] بو یوریکز  
کوچوک بک !

صبری — [ کیره رک ] کوچوک بکمی ، دیدک ! [ اطواری  
مبالغه لی وشارلاناجه در ] آ ! بوراده کیمسه لر یوق... بی بکلمیورلرمی ؟  
اوشاق — بکلیورلر افندم .

صبری — حانیا ؟ کیمسه لر یوق ...

اوشاق — شیمدی کلیرلر .

صبری — بکی ... سن ، باوولی آله یوقاری چیقار .

اوشاق — باش اوستنه [ چیقار ]

صبری — [ یالاکز ] بونه بیجم دعوت ! آدامی ، بوش او طه ده  
بکتیورلر ... [ او طه بی تدقیق ایده رک ] عمو جه بکک اوی ده شتمش ! ...  
نره ده بزم آقسرایده کی او ، نره ده بوراسی ؟ .. بارانک کوزی کور  
اولسون ... عمو جه بک اولدقه حرمتلی زنکیئلردغش ! ... [ بوصیره ده  
نهایتدن اوشاق کورونور و لطفی به یول کوستریر ، لطفی یاواشجه کیرر ،  
اطواری ساکن ، قیافتی ساده در ]

## دردنجی صحنه

صبری - لطفی

صبری — [ دوتر ، حیرتله ] نه ! ... بوراده ده می قارشیمه  
چقیدیکز ؟ .. نه آرایورسکیز ؟

لطفی — [ کوله رک ] بنده سزه عینی سؤالی صوره جقدم .

صبری — [ خوموردانورق ] بوراسی عمو جه حکمت بهلول  
بکک کوشکی !

لطفی — [ داها سربست کوله رک ] بنده یابانچی یرده اولمادیغمی  
ظن ایدیورم .

صبری — حکمت بهلول بک سزکده اقربا کز می ؟

لطفي — أوهت . والدہم ، عمو جہ کزک آبلاری اولوپور .  
صبری — [ صیجراہرق ] آطہ بازارندہ کی تیزمک اوغلی لطفي  
بک سزمیسکز ؟

لطفي — [ ایکیلہرک ] فولکزم افندم .  
صبری — [ ألنی آلتنہ وورہرق ] ایواہ ، بالطہی طاشہ  
وورہشز . . . .

لطفي — [ یاری متبسم ، یاری مترجم ] نہدن؟ .. نہ یابدیکز؟ ..  
صبری — [ عصبي ] ترندہ نہدیہ بئلہ قونوشدیکز ؟  
لطفي — قباحتمی ایتدم ؟ استانبولده چوق بولوندم ، فقط  
بورالری پک ایی ییلمیورم . حالبوکہ سز استانبوللیسکز ، ہرطرفی  
قاریش قاریش طانیورسکز . طن ایدرسہم سزی زورلہ لاقیردی یہ  
طونامدم .

صبری — ہپ کوہزہ لککمک جزاسنی چکیورم . . . . ہان ہان  
ہوتون حیاتی سوبلہدم . . . . مکتیدہ اوقومادیم ، سرسری سرسری  
دولاشدیم ، فاکولتہ یہ قید اولونوبده دوام ایتدیکم . . . . ہانکی برنی  
صایام ؟ . . . . اگر یلمش اولسہ یدم . . . .

لطفي — نہدن بوقدر أسفلہ نیورسکز ؟  
صبری — صوردیک شیعہ باق ! شیمدی ہپسنی عمو جہ  
سوبلہسک .

لطفي — بنی اخلاقسز دی بہ سزہ کم سوبلہدی ؟ کندیسہ  
تودیع ایدیلن سرلری ، ہرکسہ افشا ایدہ جک درجہده سقوط ایتش  
برآدام اولدیغمہ نہ ایلہ حکم ایدیورسکز ؟

صبری [ تیتیز ] بوندن اخلاقسزلق ، فلان یوق . . . عمو جہم ؟  
ہرکس ، دکل کہ . . . . صوکر ایشک اوچندہده حیات ، استقبال  
مسئلہ سی وار . بن عمو جہمک کوزندن دوشونجہ ، تک باشکہ میراہ  
قونارسک . بنده آووجی یالارم .

لطفي — [ رد ایدرک ] نہ آغیر اتہام ! . . . [ صبری یہ یاقلاشیر



وَأَلْنِي آرْقَادَ شَجَه اوموزينه قويار [ خاير، قارده شم، برشيدن قورقه...  
تيره نده، هپ هوا دن، صودن بحث ايتدك... هپسني اونوتدم...  
صبري — [ برآز شبهه ايله باقارق ] دوعرومي سويليورسك؟  
لطفني — ناموسمه تاأمين ايدهرم، عموجه مك برشيدن خبري  
اولمايه جقدر.

صبري — [ لطفينك آلرينه صاريلوب حرارتله صيقه رق ] والهي  
آلتون كي يوره ككز وار. [ تبديل طورله ] پكي اما، شومندوفرده  
بورايه كلديككزي نه يه سويله مديكزي؟

لطفني — آغيز آچفه وقت براقديككزي؟  
صبري — اوراسي دوعرو! ايتانيرميسكز؟ بوبنده علتدر...  
[ كوكسنة ووره رق ] لاقيردي سويله دن دورامام. باطلارم...  
قونوشازسم چيلديريرم... [ تبديل طورله ] سز، نه ايش ياپيورسكز؟  
لطفني — طب فا كولته سنده يم.

صبري — بومسلكي سويليورميسكز الله عشقنه؟  
لطفني — بوتون غايه م، خيالم، هپ او!  
صبري — چاليشيورميسكز باري؟  
لطفني — قابل اولايديكي قدر!  
صبري — واي، واي... رؤيا كزه ده كيرميوري؟

باشنجي صفحه

ارلكيلر - حكمت

حكمت — [ بوغازي باغليدر، خفيفه تبسم ايدرك كير ]  
خوش كلديكز، چوجوقلر...  
لطفني — [ ايلريلر، آلي اوپرك ] عموجه جنم، بويوك همشيره  
زاده كن لطفني احسان...

حکمت — [ لطفی به دقتله باقارق ] نه قدر والده که بکزیورسک  
یاوروم ! [ قوجاقلار ]

صبری — [ ایلرلر ، حکمتک ائنی طوتهرق ، سربستجه صیقار  
وباجاقلرینی کره رک قارشیسنده دورور ]  
بی طانیا بیلدیکیزی ؟ هانی ایکی یاشنده ایکن کورمشسکنز ! صبری  
شاکر . . آقسرایلی صبری ...

حکمت — [ کوله رک ] برآزکوزم ایصیریور ... اپی بویومشسک !  
[ قوجاقلار ]

صبری — لاف دکل ، یکرمی سنه !  
حکمت — [ ایکلیه رک برقولتوغه اوطورور ] فقط بویکرمی سنه  
ایچنده جوق ییپرادم ، اختیارلادم . . جوق خستیم !

صبری — [ مهم برطور آلاق ] سوبله سکز محنه کیردم ...  
[ حکمتک بوغازینی اشارتله ] بوغازیکیزی آغریور ؟  
لطفی — [ نزا کتله ] ائلکزی طوتدم ، آتشکزی یوق ...  
حکمت — [ ایکلیه رک ] بادجکلرمدن مضطربم ...  
لطفی — اهمیتسز برشی ایچون بیهوده اضطراب چکیورسکز ،  
آلدیربویریکز !

حکمت — [ قالفارق ] بویاشدن صوکره عملیات ماصه سنه یاتامام .  
[ اوطورور ]

لطفی — مهم برعملیات دکلدر افندم . [ محویتله ] فاکولته یی  
بتیره لی برهفته اولوبور ، عموجه جنم ، اکر بکا اعتماد ایدرسه کز ...  
حکمت — [ ممنون ] دوقتور اولدکمی چوجوغم ؟ [ قالفار-  
وهیجانله لطفینک آلرینی طوتار ] بی ، نه قدر ممنون ایتدیکی بیله منسک ...  
لطفی — [ محجوب ] توجهکز عموجه جنم .

حکمت — [ بردن بورولش کی اوطورور ] اوف ، نه قدر  
راحتسزم . تنفسمه بیله مانع اولوبور .

صبری — [ طفره فروشانه ] خسته لقی اپی ایلرله مش !

حکمت — سنده دوقتور اولدکمی یاوروم ؟



صبری — [ شاشالا بهرق ] دهامکتی بیتیرمدم اما ، یاقین . .  
برقاچ آیه قدر ...

لطفی — صبری بك ، بندن اوچ یاش کوچوكدر .  
حکمت — دوغرو ... دوغرو ... [ بوغازینی کوشترهرك ]  
یابانچی دوقتورلر آئنده حالم خراب ... [ لطفی به ] بنی برکرده سز  
معاینه ایتسه کز ... سن بویوکسك ، اولاه ، سن باشلا ...  
لطفی — [ علاقه دار ] چوچوغلغکزدنبری بوندن . ششکیمیسکز ؟  
حکمت — خایر ، صوك زمانلرده عارض اولدی ...  
صبری — [ سرعتله ] قورقو داماریکز ، قالقمش اولسون !  
حکمت — نه دیدک ؟

## آلتنجی صحنه

اولکبیر - اوشاق - صوکر - قدری

اوشاق — [ نهایتدن کیرهرك ] لیب افندی کلدی ، بك افندی .  
حکمت — بویورسینلر .  
اوشاق — بکی افندم . [ چیقار ، برآز صوکر قدری به یول  
کوستیر ] بویوریکز .  
حکمت — [ قالفارق ] بویورسینلر افندم .  
قدری — [ سرعتله ایلییهرك ] رجا ایده رم ، قالماییکز .  
راحتسزلیکزی دویدم ، استفسارخاطره کایورم ، کچمش اولسون .  
حکمت — تشکر ایده رم . اوله مسعود برآنده تشریف ایتدیگیزکه  
تعریف ایده رم . بکرمی سنه در حسرت قالدیغیم یکنلری بی بوکون  
کوربیورم . [ تقدیم ایدهرك ] باغ قوموشمن لیب افندی ... بویوک  
همشیره زاده م لطفی احسان ... کوچوک همشیره زاده م صبری شا کر  
[ سلاملاشیرلر ]

قدری — [ کندی کندی نه ] لاب ... لام ... [ یوسک ]  
تشریف ایتدک ایتدم . [ اوطورور ]

لطفی — شرف بنده کزه عائد ایتدم .  
صبری — استغفرالله ... [ بر دیره ] بوسنه باغلر ناصل؟ هیچ آغیز  
طاغیده اوزوم ییه مدک .

قدری — [ اونی صرافله سوزه رک ] فیلقه رابزم باغی محوایتدی .  
صبری — الله بشقه آجی ویرمه سین ...

قدری — تشکر ایدرم .  
حکمت — [ قدری به ] قهوه امر ایتمیسکز ؟

قدری — قهوه یی ترک ایتدم .  
صبری — کوپوکلی ، بول شکرلی ، اوقه لی برقهوه ایچیلزمی ؟  
لطفی — اگر بک افندیگ اعصابنه تأثیر ایدیورسه ...

قدری — [ قالدقار ] اوت ، اعصابه تأثیر ایدیور . [ صبری  
حکمتله قونوشورکن قدری یاواش سسله لطفی ایله قونوشور ]  
صبری — [ حکمتله برآز داها لایالیشهرک ] دوغروسی ،  
کوشک چوق خوشمه کیتدی ... بری کوزه ل ... هواسی کوزه ل ...  
ایچی ، طیشی ، هرطرفی کوزه ل ...

حکمت — کوشک برآز اسکیدر اما ، فنا دکلدیر ...  
صبری — [ صافیتله ] انسان هر سویلکنه اینا غالی ... بن ،  
بوراسنی بویله شیق ، تمیز یولاجفمی امید ایتمشدم .

حکمت — نه دن اوغولوم ؟ نه سویلدیلر ؟  
صبری — [ عینی حالده ] کویاه سز بوتون پاره کزی آوروپاده ییوب ،  
بیتمیشسکز ! همده بر آياغی چقورده دیورلردی .

لطفی — [ صبری به یاقلاشهرق ] اوههو ... اوههو ...  
صبری — [ یاواشجه ] فنا می سویلدورم ؟ صحتی تبریک ایدیورم .  
[ قدری به دونه رک ] اوپله دکلی حاجی بک ؟

قدری — [ حیرتله باقار و صوکره قاشلرین چاته رق ] اوپله  
کوچوک بک !

صبری — [ ایسته ، سزده یاشلیسکز اما ، ماشااللهکزوار ...  
باغ هواسنک تأثیری اوانالی .

قدری — [ اونوتهرق ] هانکی باغ ؟

حکمت — [ یاواشجه قدرینک قولنی دورته رک ] کوشککیزده کی  
باغ !..

قدری — [ آکلایه رق ] اوت ... دوغرو... باغ هواسی ...  
[ یوتغونور ] باغ هواسی ...

صبری — [ کولر ] نه او ، سزده یوتغونیورسکز ؟ یوقسه  
سزکده می باججککز وار . اما ساری خسته لقمش !

حکمت — [ لطیف ایله صبری به ] چوجوقلم ، حاضر بوراده سکز ،  
برکزه بوغازیمی معاینه اینسه کز ...

لطیف — [ سرعتله ] امرایدرسکز افندم .

حکمت — [ قارقاق قپویه دوغروکیدر ] اوشاغی چاغیره می ...  
بلکه برشی لازم اولور . [ قپویه کیده رک سسله نیر ] محمد ! محمد !

اوشاق — [ کیره رک ] افندم .

حکمت — بوراده دور ، بکله ، برشی امرایدرلرسه کتیر برسک .

اوشاق — یکی افندم !.

حکمت — [ صحنه نک اورته سنه ایله یله یه رک ] عزیزم ؛ لیب  
افندی ، شومسه وودکونده حاضر بولما کز ، حقیقتاً برحسن تصادف ...

یکنلرم ، شیمدی بنی معاینه ایده جکلر .

قدری — بنده کزه مساعده اینسه کز ...

صبری — [ قدری بی قولندن یقلایه رق ] نه او ، قورقویور .  
میسکز ؟ بورشی دکل ... تشریح ماصه سنک باشنده بولونسه کز

نه یاپه جفسکز ؟ [ حرارتلنه رک ] صیره سنه کوره ، قول ، باچاق ،  
باش کسلیلر .

قدری — [ حیرتله ] باشده کسدیکزمی ؟

صبری — البته ! نیشتر ندر بیلیرمیسکز ؟ غالباً کورمه دیکز ،



[ قدری بی جا کتک ایلیکندن یا قالا یه رق صاغه کو تورور و مبالغه لی  
طور لرله آکلانیر ]

حکمت — [ لطفی به ] اوطوره می می ؟

لطفی — شبهه سز افندم . [ اوشاغه ایلله قولتوغی کتیرمسی  
اشارت ایدر، اوشاق قولتوغی جبهه سی تماشا کره اولق اوزره صحنه ک  
اورته سنه کتیرر ] بورابه اوطوریکز ... لطفاً آغزیکزی آجیکز .  
حکمت — [ اوطورور ، آغزینی آجهرق ] آ ... آ ...

لطفی — [ ایکیلیر و دقتله معاينه ایدرک ] بوغازیکزده مرضی  
برحال کورمورم ... دیلکزی ای ... هیچ بر التهاب یوق ... تحف  
شی ... حتی فضله بر قیرمزلیق بیله موجود دکل ... بارمچکارکز  
غایت طیبی ...

حکمت — [ لطفی به ] بوتنکله برابر ، خسته می ... نه یایام ؟  
نه توصیه ایدیورسک ؟

لطفی — [ حکمتک بوغازینی خارجدن آلر یله معاينه ایدرک ]  
غده لرده ده شیشکینلک یوق ... فوس نه وراژیلر واردر ... فقط  
شیمدی قطعی برشی سویله میه جکم ... غیرطبیعی اعراض کو سترمدیکنه  
نظراً برمدت انتظار ایدم ... هرشیدن اول اعصابکزی تهییج  
ایتمه ملیسکز ... سزه استراحت مطلقه توصیه ایده جکم ... فضله  
مشغله لرده اعصابی یورار .

حکمت — [ قالفار ] بوتون توصیه ک بومی ؟

لطفی — خسته می ، دیورسکز . اندیشه لریکزی ازاله ایچون  
سکونت ، استراحت توصیه ایدیورم ... یوقسه صحتکز مکمل ، دیلکز  
تمیز ... معده کزدن ده شکایت ایدیورسکز ... سزده ( هیوقوندیری )  
کله سندن قورقویورم . کندیکزی فضله دیکله مییکز !

حکمت — [ سوزینی کهرک ] کافی ، یاوروم ، کافی ! [ صبری به ]  
بی برده سن معاينه ایتزمیسک ؟

صبری — [ لطفی به یا قلا شیر ، صقیقنتلی برطورله ] امر ایدرسکز ؛  
بالکزی بن ، دوشوندکاری می هیچ صاقینه دن سولرم . [ کندی کندینه ]

مسکین دورمغه گلز، ایشی چاقدیر ماملی ... برآز جسارت! [ یوکسک ]  
سزی معاینه ایده جکم ، فقط لامبه م یوق ...

اوشاق — بوراده لامبه وار بک افندی، ایسترسه کز کتیره م  
صبری — [ متعظم ] اوپله لامبه دکل ... [ اطرائه ] طبیی  
لامبه سز او اولماز! بن بحث ایستدیکم ، فنی، معدنی برلامبه ... نیکلدن  
برچنبرله باشه کچیریلیر ...

قدری — [ حیرتله ] نه لامبه سی بو ، افندم ؟  
صبری — [ قباره رق ] بیلمز سکیز ... «قوپر» لامبه سی دیر لر ...  
بوغازی معاینه ایتک ایچون استعمال اولونور .  
حکمت — بو قدر مهم برشیده ، اوشاخی کوندروب ، اودن  
کتیره لم .

صبری — [ قولی صالایه رق ] عکسی کبی دون یره دوشورمش،  
قیرمشم .

حکمت — واه ... واه ...  
صبری — بن، سزی برمتخصص کوزیله معاینه ایتک ایستورم .  
حکمت — دیمک سن متخصصسک ؟  
صبری — بالخاصه قولاق، برون ، کوز، بوغاز متخصصی م ...  
حکمت — الله سندن راضی اولسون اولادم ... [ اوطوره رق ]  
برآن اول بنی معاینه ایت .

صبری — [ یاقلاشه رق ] برآز ایشیق طومالی ... [ اوشاغه ]  
برلامبه کتیر ... [ اوشاق برماصه اوزرنده دوران برلامبه یی آلیر ]  
قدری — [ علاقه دار اولشدر . جینندن کبریت چیقاریر ] ایشته  
کبریت ... [ اوشاق لامبه یی یاقار ]

صبری — [ قدری به ، لابل ] اوزاق دورماییک جام! یاقلاشک ..  
دوقورلر جلاد دکلدز؛ قورقاییک .. [ اوشاغه ] برده حاوی کتیر ..  
قان صیچر اماسین ...

حکمت — [ صیچرایه رق ] نه ؟ هان عملیاتی یاباجقسک ؟

اوشاق — [لامبەي طوتقەدەر] اوحالده لامبەي باشقەسى  
طوتسین دە ، حاوی کتیرەم .

حکمت — خایر ، حاوی بە لزوم یوق .

صبری — [آلدریمه رق ، اوشاغە] لامبەي ماصەنك اوزرینە قوی ..  
چاپوق بر حاوی کتیر .

اوشاق — [چیقار و بر آرزو کرە بر حاوی ایله کیرر] بویوریکز ..  
صبری — [حاویي حکمتك بویننە دولار] اختیاطی الدن  
براقامی ... احتیاطدن ضرر کلز ... [بریاصدیق آلوب حکمتك  
باشنك آلتنە قوبار] شیمدی راحتسز میسکمز ؟  
حکمت — راحتم !..

صبری — [جا کتتی چیقارە رق] اولاً جا کتتی چیقارەم ...  
قوللیری دها سربست حرکە ایتدیرە بیایم . [کوملەنك قوللیری  
صیغار .]

حکمت — [اندیشه لی] بِن سکا ، معاینه ایت دیدم ؟ سن ،  
عادناً عملیاته حاضر لانیورسك .

صبری — بر آرز صبر ایدیکز ... عملیات یاهاجق دگم ... آلات  
وادوات لازم ... شیمدی عریض و عمیق بر معاینه ایدە جگم .  
حکمت — فقط پك اوزون سورمە سین ...

صبری — [اطرافه] بر پرتوسوز بولامازیز ؟

قدری — [سرعتله جینندن چیقارە رق] بویوریکز !

صبری — [حیرتله] لیب افندی ، ماشاالله جینندن پرتوسوز  
طاش-بور .

قدری — [کولەرك] غرتە ی اوقورم .

صبری — نه ایسه ، بزم ایشیمز کورولسون دە ... [قدری به]  
باری . بر آرز بکا یاردیم ایدریمسکمز ؟

قدری — [متبسم] ناصل یاردیم ایدیم ؟

صبری — [پرتوسوزك جاننی هوخلارومندیله بار لاتیر] هیچ ...



لاف اولسون ديه سويلورم . [ پرتوسوزه باقارق ] اي كوريور...  
[ قدری به ] ايجاب ايدرسه سز قوللردن طوتارسكز .

حکمت — [ صیغرایه رق ] یچون قوللرمدن طوتاجق ؟  
صبری — قورقاجق برشی یوق دیه دم ی ؟ شیمدی آغزیکزی  
آچیکز . [ حکمت آغزینی آچار ، صبری ایکیلیر ، پرتوسوزی طوته رق  
دقتله باقار و بردنبره کر بله به رك ] آ ! ..

قدری — نه وار ؟

لطفی — نه وار ؟

حکمت — [ قورقارق ] نه کوردك ؟

صبری — فلاکت ! .. بوغازیکزده مدهش برالتهاب قصبه وار .

لطفی — [ کندی کندینه ] بوغاز دکل ، ولایت ...

صبری — [ قدری به ] حاجی بك ، سز آ کلامایاحسكز اما ،  
ینه باقیكز ! [ پرتوسوزی و پریر و قدری بی زورله حکمتك اوزرینه ایكر ]  
دقتلی بائك ! سزده کوزیکزله کوردیکزیا .

قدری — [ کوزيله حکمته اشارت ایدر و حکمتك بوغازینی دقتله  
معاینه دن صوکر ا صبریك اوکنده دوریر و اوکا حیرتله باقار ] حقیقتاً  
دهشتمش !

صبری — [ کندینه حیران ایتدیکنه قانع ] حیرت ایتدیکز  
دکلی ؟ .. امینم که عقلکزدن ایلک کچن شی : عجبا حکمت بهلول بکی ،  
ناصل قورتاریز ؟ دیمك اولمشدر ... اوت ، اونی ، بن قورتاره جنم ...  
قدری — [ کیرپیکارینی اویاتهرق ] اوت ، ناصل قورتاره جقسكز ؟

صبری — [ کندی سوزلریله حرارتله نهرک ] بر جوق اصولر  
وار . [ عظمتله ] طیبی سزه اسکی ، بایاغی ، کهنه اصولردن بحث  
ایتمورم . اسکی مکتبه قولاق آصماییک ... مثلاً استاد حلیم سلیم ،  
اوبراتور قدری نعمت ، بونلرک هپسك اسمی چیقمش ...

حکمت — نه دیدك ؟

صبری — اوت ، آدلری چیقمش ... یوقسه ، قالب آچمه ایتیزلر ...

لطفي — [مېرى به صومسى ايجون اشارتلىر ايدىرك] اوھو ...  
 اوھو ...

صبرى — [طورى دە كېشەن قدرى به] استاد حليم سليم ايله  
 اوپراتور قدرى نىمى طائىر مېسكىز ؟

قدرى — خاير ! آنجى شوبله ... شخصاً ...

صبرى — اكر قونوشمىش اولسە يدېكىز ، نه قدر شارلاتان ،  
 اجوف واوى وياڭى اولدۇلرغى آكلاردېكىز !

قدرى — اونلرله خصوصىتىكىز وارى ؟

صبرى — نه مناسبت ؟ تىزل ايتىم .

حكمت — فقط اونلر ، فاكولتە دە مدرس دكلىدىلر ؟

صبرى — زمان ايجابى مدرس اولشلر ... آرتق بورولرغىنه چان  
 طيقانە جق ...

حكمت — نازل ؟

صبرى — [كىتدېكە جوشەرق] اكر اونلرى چاغىرمىش  
 اولسە يدېكىز ، نە دېرلردى بىلېر مېسكىز !

قدرى — نە دېرلردى ؟

صبرى — حكمت بېلول بىك بر شىجى يوق ، دېرلردى ...  
 [صبرىدن ماعدە مەكس كولو]

لطفي — [ياواسجە او كسورەك] اوھو ...

مېرى — [موقىتەن سىرخوش بر حالە] ايشە اونلرە بوقدر  
 آكلار . بوقدر بىلېرلر .

حكمت [حدت وتأثر دن بوغولە جق كىدىر] اويله ... اويله ...

صبرى — [آلىق آلىق كولەرق] استاد حليم سليم ايله اوپراتور  
 قدرى نىمىك صاچالادىلرغى بر كورمك اىستردم .

حكمت — [سى حدتەن تېرە يەرك ، قاقار] كافى ، غىزىم ،  
 كافى ... [بوينەنەكى حاۋى صوكرە مەنبىل آتاز] كافى ...

صبرى — آمان نه ياپيورسكىز ؟ خستەسكىز ؟

حكمت — خستە دكلم ، سىك صاچالرك نى خستە ايدەجك ! ..

سنى كىدى شازلانان ، سنى ... [ يوكسك سسله ] سنى حايلاز ...  
 [ قدرى يى كوستره رك ] كىت ، آلنى اوپ ، بقايم .  
 صبرى — [ يارى متحير ، يارى مستهزى ] لىب افنديك آلنىمى  
 اوپه يم ؟

حكمت [ قدرىك ، مانع اولق ايسته ين طورلرينه اهميت وبرمه رك ،  
 صبرى يه ] هايدى آلنى اوپ . عفو ديله ... [ قدرى ، ياواشجه صاغدن  
 چيقار واوشاق اونى تعقيب ايدرو . ]

## يىدنجى صحنه

### حكمت - لطفى - صبرى

صبرى — [ حيرتله باقىنه رق ، كفى كندينه ] لىب افندى يه  
 كىم نه ديدى ؟  
 حكمت -- [ يارماغيله تهديد ايدو رك ] بى آبدال يرينه قويوب ،  
 رونجه كولرسك اويله مى ؟ . [ اوزرينه يرويه رك ] خاير ، خسته دكلم ،  
 بر شيم يوق ... آ كلا بورميسك ... سنى دهه نه مك ايچون مخصوص  
 ياپدم ، شيمدى آ كلا دكى ؟ [ دوره رق ] جاهلك برقصور ، بر كناهدره  
 لكن بالانچيلق ، ساخته كارلاق ، عفو اولونماز براخلا قىزلقدير .  
 صبرى — [ پریشان ، آلتنك تر بى سيله رك ] قاپانه طونماشز ! ..  
 عقلمه كله يى باشمه كلدى ...

لطفى — [ عموجه سته ، ملايمتله ] صبرى يى عفو ايدى كىز . ياپدى  
 چو جوقلق ، فضله اهميت وبرمه يى كىز ... صوكنى دوشونه دن ايلرى ،  
 كرى سويله دى ...

حكمت — [ لطفى به ، طاقتلىقله ] خاير ، عفو ايدم ... [ شدتله ]  
 صبرى كى اخلاقىمزلر عفو اولونماز ... [ سسنى يوكسكته رك ] اومده ،  
 دوستلرله حقارت ايدىلسته تحمل ايدم ...



صبری — [ خیرتله ] بن ، بوراده کیمه حقارت ایتدم ، الله  
عشقنه ؟ کوملکنک قولارینی ایندیریر ، جا کتتی کیر [

## سکزننجی صحنه

### اولکیلمر - اوشاق

اوشاق — [ آئنده برمکتوبله نهایتدن کیرهرك ] دوقتور قدری  
نعمت بك ، سزه برمکتوب بر اقدی ، بك افندی .

صبری — [ شاشقین ] اوپراتور قدری نعمت بکی طانیورمیسکز ؟  
حکمت — [ وقور ] سنده طانیرسک .

صبری — [ باشنی کری ایتيرك ] یووو !!

حکمت — اوت ، طانیرسک ...

صبری — [ بوسونون آبدالاشمش ] یوزیکی بیله کوردم .

حکمت — کوردک ، حتی قونوشدک ... هم چوق اولمادی ،

بش دقیقه اول ، بوراده ... اوکاده شارلاناں قالب آقچه ، دیدک !

صبری — [ کوزلرینی آچار ویاواش ویاواش آکلایهرق ] نه ؟ .

یوقسه ..؟

حکمت — [ دوام ایديرك ] سن بکا اوپون اوینامازدن اول

بن اوپونمی حاضرلامشدم . باغ قوموشوسی لیب افندی دییه ،

بورابه چاغیردم .

صبری [ براسکملهیه ییقيلهرق ] محو اولدم ... آرتق بندن خیر

کلز ... شیمدی یوره کیمه انشهك ...

حکمت — [ مکتوبه کوز کزدیريرك ، هیجانله ] عالیجناب ،

فضیلتی انسانلر ، ایشته بویله در ... بکا ، نه یازیور ، بیلورمیسک ؟

سنی ، عفو ایتمکلمکی رجا ایدیور ... [ صبری قالفار ویاواشجه

لطفیه یاقلاشیر ] هیچ دارلماش ، کوجنمه مش ... اوستهك ، سکا

آجیور ... فقط سن ، مرخته ده لایق دکلک ! [ مکتوبی کندی  
کندیبه اوقور ] نه اصیل انسان ! ..

لطفی — [ صبرینک یاواشجه سویلدکلرینی باشنی صالایه رق دیکار  
وبوکسک سسله ] سن ، کندنک سویله ... استغای قصور ایت ...  
اک دوغروسی ، بودر .

صبری — [ باشنی کری به ایتدک ] جسارت ایده میه جکم ...  
[ یالواره رق ] بن کیتدکدن سوکره ؛ سن سویلرسک ...  
الله ایصمارلادق ... [ اطفینک آلنی صیقار ] سن وعدگده دوردک ،  
تشکر ایدرم ... [ کورولیسزجه جیقار ]

## طقوزنجی صحنه

### حکمت - لطفی

حکمت — [ مکتوبی اوقودقدن سوکرا جینه قویار و صحنه ده  
یالکیز قالان لطفی به باقارق ] اکر سن اولماسه یدک ، حقیقتاً بدبخت  
اولاجقدم ... [ آلرندن طوته رق ] سن ، او بودالایه بکزمه مشسک ،  
چوق شکر ... [ بردنبره اطرافنه یاقینه رق ] او ، سرسم نره به کیتدی؟  
بر ، الله ایصمارلادق دیمه دن صاووشدی ؟ .. [ نهایته قوشار ]  
لطفی — [ مانع اولارق ] کندی نامنه عفو دیله می ، بندن  
رجا ایتدی .

حکمت — یالانجی اولدینی قدر تربیه سز! اخلاقسز اولدینی قدرده  
قورقاق ... بن ، اوکا کوستیرم .  
لطفی — اونک ایچون اک بیوک جزا ، عفودر . اساساً مقصدی  
سزی آلداتی دکلدی . تره نده تصادفاً کوروشمشدک نه وضعیتده بولندی  
بکا آکلادی ... فاکولته به کیرمش ، نه دنسه دوام ایتهمش ...  
فقط بونی اعتراف ایده میوردی ، چونکه میراندن محروم ایتکزدن  
قورقوبوردی ... حالبوکه عائله جه چوق صیقیتیده ایشلر ! .. فضله  
اینجه دوشونه مدی ، بوسورتله حرکت ایتدی ...

حکمت — [ دوشونجهلى ] بودالا !  
 لطفي — هر كس دن ذكاسى نسيبته حركت بكاملى دكلى ،  
 عموجه جنم ؟

حکمت — حقك وار چوجوغم ؛ نهايت اوده بزم قائمزدندر .  
 يالكز عهدم وار ، ثروتم ، خيرالحفكدر ... يعنى سنكدر . سن  
 ابسترهك اوکا بر حصه آييرا بيليرسك ؟

لطفي — [ ايكي له رك ] سزدن كمال حرمته رجا ايده رم .  
 حکمت — بويله ديه جكنه ايمندم ... [ نهايته كيدر وقپوي  
 آچهرق باغير ] نه ربه قاچيورسك ؟ .. صبرى ، صبرى سكا سويليورم ،  
 بورايه كل ... بودالالرك لزومى يوق ... [ صبرى برأئنده باوول  
 يرقولتوغنده شمشيه محبوب بطورله ايجرى كير ]

### اوننجى صحنه

#### اول كيلر - صبرى

لطفي — صبرى نه دوغرو كيدرواؤنك آلندن باوولنى (شمشيه سنى  
 آلهرق يره برائير وياواشجه [ هايدى ، كيت آلنى ، اوب ... حدى  
 كچدى ...

صبرى — [ قورقارق ] نه سويله يهيم ؟  
 حکمت — [ أليله اشارت ايده رك ] بورايه كل ... سنى عفو  
 ايديورم .

صبرى — [ حكمتك آلنه صاريله رق اوپر ] عموجه جنم ...  
 عموجه جنم ...

حکمت — قولاغنده كوپه اولسون ، قاپلان پوستى كييه ن آشكار ،  
 صوصمايه جق اولور لر سه اوسته كندى در يلر ني ده ور ير لر ... سن ،  
 مع الاسف يكنمسك ! فقط هپسى اوقدر ! [ لطفي ني كوستره رك ]  
 يوق كور يورسك يا ، ايسته تقليد ايده جكك انسان ... خير الحلف !!

### صوك





فیاتی ۸ غروش